

INUIT ATAQATIGIIT

Inatsisartuni



21.09.2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqummiuppara.

Naalakkersuisunut apeqquq:

1. **Mittarfissat pillugit naalagaaffeqatitta aningaasaliissutaasa avataatigut ingerlatseqatigiiffimmik pinngitsooratik piginneqataanissaat Naalakkersuisut tapersorlugulu aalajangiusimavaat?**
2. **Mittarfissat pillugit Amerikami oqartussaasut aningaasaleeqataassappata Amerikamiut piumasaqaatigisaat suuppat?**
3. **Naalakkersuisut kissaatigaat anguniarlugulu Amerika mittarfissat sanaartorneqarnerinut peqataassasut?**
4. **Amerikap aningaasaliinermini Kangerlussuup Narsarsuullu attatiinnarneqarnissaat siunertaraa?**
5. **Amerikamiut mittarfissanut aningaasaleeqataassagunik illersornissaq pillugu nunatta annertusaaffigineqarnissaa siunertaraat?**
6. **Kangerlussuup Narsarsuullu illersornissakkut sillimaniarfiusutut inissisimanerat illoqarfinnut mittarfiliorfissatut siunnerfigineqartunut nuunniarneqarpat?**
7. **Danskit naalagaaffiata Kalaallit Airport-imut piginneqataalersinneqassappata ukiuni 30-ni iluanaarutissat missingersuutitut 33,3%-mik iluanaarutissat ilanngarneqarnissaat qanoq aningaasannorlugit missingerneqarpa?**
8. **Mittarfiit nutaat piulerpata sinerissami mittarfeqarfiit pioreersut tikinneqakulassutsimikkut qanoq allannguuteqassappat? (Sisimiut, Maniitsoq, Aasiaat, Paamiut, Upernavik aamma Kulusuk il.il.)**
9. **Amerikap aningaasaleeqataanissaa pillugu Danskit naalakkersuisui qanga siullermik oqaloqatigineqarsimappat?**
10. **Narsarsuarmi mittarfiup kitaaniit mikkiartorluni tikikkuminassusia %-inngorlugu qanoq annertutigiva?**
11. **Narsarsuup mittarfiata ammanermini (tassa unnukkunngitsoq) kangianiik mikkiartorfigalugu tikikkuminassusaa %-inngorlugu qanoq annertutigaa?**

INUIT ATAQATIGIIT

Inatsisartuni



12. Narsarsuup mittarfiata ammanerani kitaaniit kangianiillu mikkiartornermi tikikkuminassusaat immikkoortillugit %-inngorlugu eqqortumik takussutissinneqarnissaat kissaatigaara.

13. Kangerlussuup siunissaa qulakkeerniarlugu Amerikamiut aningaasaleeqataanermikkut nutarterisinnaanerat naalakkersuisuniit anguniarneqarsimappat qanoq naalakkersuisuni sulisoqarpa?

14. Kangerluaasuaq aamma Narsarsuaq imarpik qulaallugu mittarfittut atuunnerat Naalakkersuisuniit atorunnaarsinniarneqarpa?

(Inatsisartunut ilaasortaq Aqqaluaq B. Egede, Inuit Ataqatigiit)

Tungavilersuut:

Apeqquteqaatit nassiussakka naalakkersuinikkut apeqquterpassuit akiumaataarneqartut akineqarnissaannik siunertaqarlunga nutaatut ingerlatippakka. Narsarsuup mittarfiata tikikkuminassusaa pillugu naalakkersuisut eqqunngitsumik assigiinngitsumillu takussutissiisimanagera uppersaatissaqartoq eqqortumik akineqassasoq kissaatigaara.

Kangerlussuup mittarfiata nutarterneqarsinnaanera imaluunniit attatiinnarneqarsinnaanera pillugu Naalakkersuisut erseqqilluinnartunik qulakkeerutaasunik takussutissiinissaat kissaatigaara. Taamatullu aamma Narsarsuup mittarfia eqqarsaatigalugu.

Mittarfissat pillugit suliaqartitaasut ingerlatseqatigiiffiup piginneqataassutissat pillugit aamma aningaasaliissutissat pillugit nutaarsiassaqartuarnera aamma apeqqutissanik nutaanik pilersitsisarmata aalajangernissamut tungavissat pisariaqartut ujartorpakka.

Apeqqutima ullut suliffiit qulit iluanni akineqarnissaat qinnutigaara.